

wie das nach Ordnung der Rechts vnd von Gewohnheit dis Lands allerbestentlichst vnd kräftigst ist, sin sol, kan vnd mag, dem hochgebornen Fürsten vnd Herren Herren Christoffen, Marggrauen zu Baden &c. vnd Graven zu Spanhaim, minem gnedigen Herren, aller finer Gnaden Erben vnd Nachkomen, min Schloß zu Oberwesingen gelegen, mit finem Begriffe vnd Zugehorungck ganz, darzu minen Teile, das ist, nemlich der süßend Taile an dem Dorff, der Vogty vnd Keltern zu Oberwesingen, desgleich alle mine Güttere, Höfe, Zinfs, Zenten, Gülten vnd Gefelle, vnn Gült, Früchten, Win, Hüner, Gänfsen vnd anderm, item min Muhlin zu Oberwesingen, by dem vorgenanten Schlosse gelegen, zinst jerlich zwölf Malter Korn vnd zu dem allem öch minen Buhofe zu Wesingen, genant der Hofe zu Büchech, ist erblich verluhen jürlich vmb Nuntzig Malter, der drigerley Früchten, Korn, Dünkels vnd Haberns, alles mit Lüten, Güten, Gülten, Renten, Zinffen, Gefellen, aigen Lüten, Huffern, Hofen, Schuren, Hoffstätten, Aeckern, Wiffen, Garten, Wingarten, Holtz, Welden, Waffern, Wunnen, Weiden, Zwingen, Bennen, Freueln, Buffen, Ainung, Frondiensten, gaitlichen vnd weltlichen Lehenschafften vnd allen andern Nutzungen, Rechten, Gerechtigaiten, Gewaltfame, hohen vnd nidern Oberichhaiten, vnd zugehörnden Lehens vnd aigens ob Erden vnd darvnder, wie vnd wo das alles vnd jedes zu Wesingen, vnd in der Marck dafelbs genant, vnd gelegen, von den obgenannten, minen gnedigen Herren von Spyr, Würtemberg, vnd Eberstain zu Lehen gerüret vnd gangen, vnd von minem Vatter vnd Vordern seligen vff mich kommen ist, äh dieselben mine Vatter vnd Vordern seligen vnd ich fullich alles bissherr inngehabt, besessen vnd genossen haben, vnd in ainem Registere mit myner